

# 鳳臺縣志

第六册

地/60-61

341

部=46



鳳臺縣志

第六册

凤台县志卷之九

文苑

北齐赵用建州人河清时贡孝廉策以十事对不如例弗获第归而山居习静与本空僧为方外交建修兴善寺勒石为记明碑称其文体高洁今已漫灭无存

唐赵楚卿泽州人父元可上柱国楚卿有文望宝历中第进士官监察御史以直言称子璟见人物

宋秦谷字洪川泽州人治平初进士与进士马同同受学於程明道颢一时科第蔚起以文与字名者甚众谷有

鳳臺縣志

卷之九

文苑

一

府城庙碑篆刻奇古殊绝

马泰字履夫泽州人登熙宁时进士才学冠一时碑版记序多出其手撰天王堂记洁古有体书法亦苍古可爱金吴芝字寿夫泽州人登明昌中进士家居不仕以诗酒自豪与刺史许安仁游碧落峡石诸胜临风对月吟咏甚夥后复与安仁子谏议古登凤凰山游福巖院题名於壁

毋彦伦字俊卿登承安间进士博雅工诗与郡守诗安二杨庭秀游历山水碧落峡石诸名胜多所唱酬



明赵继孟嘉靖乙未进士工诗文居官以风雅相尚累仕夔州府知府著憩鹤道人漫稿

司齐好学有志操湛深经术以经明行修举未仕而卒

吴自省嘉靖甲子举人幼沉静寡言笑刻志读书知韩城县九月悬车居乡手一卷矻矻穷年足迹不入城市月旦高之

孟阶嘉靖辛卯举人幼好学醇谨无华居官之暇手不释卷工诗能文著历山漫稿仕终承天同知

锺锷字敛斋嘉靖乙酉科举人才思英敏不喜作制举业日以诗赋陶情从兄鑑令武进时携锷与锡并之江南延给谏玉石谷为师相与讲诗文源流磨砢浸灌而学业大进鑑成进士锷屡试不第遂无意进取铨次亦不赴以著作终所著诗文多散佚

锺厚景泰间岁贡任巩昌经历性廉谨以礼法自守工吟诗时有佳句人以鲍参军目之

陈三晋隆庆拔贡官荣泽教谕能立师道讲礼学以程朱为宗力黜王陆之学一时推尊之

梁悌嘉靖年贡学性纯洁著玉成稿武文周隆庆年贡官

临潼知县著大全质疑

魏大观万历岁贡代州学正冲夷好学名士多出其门吕大中丞重其为人颜所居堂曰清正学者称清正先生林萃秀监生任河南扶沟训导设帐谈经徧安定湖州之法谨考课亲定甲乙士风丕变登科名者倍於前

孟圣教崇正庚午举人才敏而学优工吟咏以诗名一时登科后见世乱不求进取饮酒浩歌以终张养蒙志其墓

国朝赵日辉字炳初康熙中拔贡有文名时号通才著孝

鳳臺縣志

卷之九

文苑

三

经集说语录若干卷

赵嗣彦字仲瞻举人官武邑知县博洽负时望赵懿侯采其诗入晋风选范彪西采其文入晋国垂棘里党碑板多出其手

陈元字长公顺治己亥进士改庶吉士少受学於叔父昌期浑深博雅古文学卓然成家与弟大学士廷敬迭为师友后廷敬以文章名海内皆元教之也元告假归里卒所著诗文甚夥今多散佚不传

张肇昌字樵岚以例贡官泰安州倅擢河间府通判才敏

学富工为诗政事多暇登临皆成文章所著有定堂稿  
集董默菴讷归惺崖元肃为作序弟肇暲字旅门云南  
赵州知州亦有诗名与韩慕庐莼徐健菴乾学友著古  
天洞丛桂庄诸稿

董玫顺治丁亥进士常德府推官工诗能文陈廷翰康熙  
甲午举人颖敏善书陈廷弼湖广桂阳知州陞员外郎  
著清田录赵求益举人参议九思子工诗赵懿采入晋  
风选

苗大素字含章乾隆辛酉举人父乔年字鳧来读书工诗

文内行醇备生平无疾言遽色足不出户外望重里党  
以诸生贡入成均雍正六年举贤良方正辞不就石大  
中丞高其行命郡守刘毓岳表门间选授沁源训导未  
仕卒大素励品行绩学能文少年补诸生乾隆间山右  
以制举业著者为孟县王编修海阳城田侍御嘉穀适  
罢官家居嗜古为后学倡一时诗古文翕然称盛大素  
以诸生从两君游称国士初有巨室慕其才欲婿之父  
辞以既聘而巨室意甚殷愿纳女为侧室大素裁以义  
事乃寝为文冥心独往至误入人家妇女惊怪若不闻

也每试辄冠曹偶提学彭廷训沈文镐方伯许溶等号知文属郡守朱樟周其乏樟雅识大素清操乘间示意果辞不纳辛酉省试文为房考所乙主司阮学浩搜遗卷得其文再三称赞至察吏一策击节曰晁贾无以过也遂获售屡试春官不遇遂无意进取教授乡里以终所著诗集若干卷留门人李仲升家李夭死遂失传子令琮乾隆辛卯举人

冯绳祖字念菴幼负异才读书能文时河南殷元福以制艺称与莫为逆交受业闻喜张克疑通周易奥旨理学

师复斋庄亨阳以程朱为宗选贡入太学大司成杨名时大为赏识名重一时徐令民铎提学山左延入幕拔取名宿如金乡刘苞丽鉅野傅尔德定陶刘可考新城伊桂等癸酉登科名者四十餘人多成进士号为知人晚年艰於遇落魄诗酒流寓历下而卒所著诗古文及辨真吟藏於家

卫芳字含华少为诸生以等高行优贡成均士林推重教授乡里杨简人仙枝朱西侯三英皆出其门卒之日贫无以殓陶太守自悦称其和不伤介廉不戾俗当於古

人中求之

孝义

北魏蔡祐事亲孝屋侧产芝草人以为孝感所致官都督所有禄俸尽给族之贫乏者及卒家无馀貲人皆义之唐孟闻泽州人咸通中官礼部曹即泽境峡石山旧无勅额闻为奏请於朝勅赐青莲寺为额虽事涉佞佛而礼秩名山亦义行之一端也

郭存实泽州人晋称天祐时官太原招信军都虞侯晋梁分争存实身在行间累立战功尝游峡石山於罗汉楼

前立石幢为记云惟愿烽烟早息四民乐业以武臣而存是心其軫念民瘼任恤乡里有足多者

后周郭思俊泽州人晋汉以来累立军功广顺初官柱国尚书开国郡公致仕家居与同里父老结社事剏修祠庙敦睦戚族恂恂如不及观者不知为贵公卿也据石经幢叙其官阀甚悉而名不见於史今其地犹号郭庄盖为其故里云

元司计字成宪官户部即曹至正末天下兵乱去官归家故丰於财多义行出貲剏修文昌祠以崇文教参议张



衍记其事於石

和居中性敏博学笃於交游潜德弗耀以高年耆硕旌表其门

明王仲达洪武二年举孝廉令中江秩满乞归终养永乐间徵取坚志乞养如初赠勅奖谕给钞锭以归

景宁族指千馀五世同居洪武初旌门

明万历丙戌丁亥间大稔好义捐助设粥煮药者顾州志载有知州郑际明高平知县许安遇阳城知县王雅量各捐俸煮賑藩封捐禄有充琰等十六人搢绅捐米者

周盘等十五人生监助賑者有董三策等十三人修药督施助米助银民有马世侯张垂芳等十七人又有庠生任敦化捐地四十亩供天井关圣庙春秋祀享庠生郭镇邦捐施义塚一所

苗杰字谦斋焕之父生而淳笃不好弄弱冠入庠食饩试辄冠军郡推德行之士以风厉衿带率以杰为首生平尚义重然诺有内戚孤嫠在室旁有豪欲夺其产当事者受其赂产且立破杰忿然面直之当事某啣甚会学使者按泽中夜搆蜚语中伤甫漏下五鼓无疾而卒翌

日同官於袖中得其草則相顧詫異謂杰之有天也屢  
試秋闈不获售值子煥登第叹曰有子如此奚必自我  
贵哉遂辞饩或有言少需岁可里选则笑曰吾业以贵  
须子乃不须一第而须一贡耶遂优游里居於名利之  
场泊如也以子煥贵赠如其官学者称谦斋先生

张祿张祐张智兄弟孝友母任氏歿共庐於墓次杨贞肃  
继宗有诗美之见碑刻

朱仕瓌镇国将军幼失怙母遭疾籲天请代既葬坐卧一  
小轩终制不御酒肉不入内正德间旌门

鳳臺縣志

卷之九

孝义

八

朱成俱隰川王诸孙父仕塲坐罪幽凤阳成俱微服走凤  
阳视丧上疏自劾越禁乞负父骨归葬泽州即不得愿  
为庶人止墓侧岁时省视诏许之乃奉丧归弟成濶亦  
好学有志概嘉靖十三年上言云中叛卒之变幸获消  
弭究其衅端实贪酷官吏激成之臣虑天下之祸隐於  
民心异日不独云中而已指陈切直帝下廷臣飭行时  
以兄弟称二难焉

朱成钱辅国将军事父母问寝侍膳极诚亲歿先后庐墓  
六年嘉靖间旌门

朱成俱辅国将军仁厚以孝谨著力学攻苦独究性天之旨著太文录二册进上赐敕奖之

朱聪涑奉国将军性好儒学与弟聪澂聪涎居同学同友恭同嘉靖旌其堂曰孝义

石文奎自高祖玉历五世同居一门敦睦食指几千数无异意嘉靖间表间

孟瀚自祖至姪霓四世同居无私财无谗语人称义门朱俊秧镇国中尉母赵病危一祷而愈母寿九十孝养殊笃推择宗正有清节妻段氏早逝不更娶恤庶兄俊荫

遗孤婺甚至捐田瞻宗学出粟千石賑郡饥万历间下诏褒之歿赐祭葬长子充淡博古善书有内行设义田以给贫宗其仲曰充俊少慧力学善事父母兄弟五人同居不私一物父有异母兄弟三人孤而寡力佐恤之其季曰充螢继父为宗正万历中捐米八百石救荒得旨嘉奖

朱允燻辅国中尉宗约俊襟子孝友雅饬以厚产让弟賑粟济贫焚千金之券三十载中瘞骼至千餘具教子维翰入庠宗室中在泽者响学好义称贤王孙云

朱廷塚字宪明奉国中尉隰川王裔明制愿仕者以本阶  
易之遂膺贡知临宝县闯逆临城多杀伤益众攻围城  
陷廷塚死之一门俱殉时崇正十五年

朱运昌字敦素宗裔为贡士判巩昌崇正十六年城破迫  
降不屈贼支解之

裴爵椿子举人授丰县令闻父讣星夜奔丧表墓立祠晨  
夕哭奠服除补临漳令迎养母於署母后歿哭奠如父  
礼再任吴桥乞归置祭田建社学修家规里人称厚德  
焉

侯勋大司马璉五世孙锦衣僉事夔子父疾温衾尝药朝  
夕同卧起及歿哀绝者数四庐墓哭奠感群鸟悲鸣树  
上让爵与弟不袭时称孝友事闻旌门曰思亲让爵  
马宗盛幼孤事母至孝母亡勺水不入口哀毁几绝既葬  
庐墓斩衰泣血三年不栉沐髮成氎尽脱人哀之时有  
白猿慈乌之异事闻旌表

赵友益郡廩生父九思抱疾日侍汤药衣不解带者月馀  
病笃祷以身代卜绞得鼎折足语曰吾父三昆弟凶讎  
也再祷得问寿九十九语比得疾悟云予兄弟亦三人

应在我乎誓不药遗命妻孥兄弟可善事父母吾亡矣  
遂於九月九日歿父疾寻果愈

袁维新郡廩生父病痰危甚日夜籲天祈以身代及父歿  
事母终身色养昆弟终身无间言旌曰首笃天伦

张希鲁少服贾於外母病疽忽心动而归亲侍医药获愈  
长兄亡姪燮复早歿妇靳方有娠鲁旦夕籲天祈生男  
衍兄嗣及产果男名曰培德百方抚爱靳感之守节益  
坚季兄无子遗一女尽举其遗财嫁之仲兄析箸荡其  
家乏生计屡赠累千金亲隣待以举火者无算更输粟

鳳臺縣志

卷之九

孝义

十一

千石賑荒万历初诏建坊有从兄希曾亦同心蠲賑时  
並旌焉

秦一清庠生事大父尽孝时有家难准情调剂遭母丧哀  
毀逾礼朔望率弟拜墓终其身奉父色养事继母得欢  
心甘贫力学律已甚严绝无惰容竭力为季弟谋婚娶  
不以异母有差等

段廷黻万历时拔贡鸿臚署丞建安庆寨以防盜

李廷玉父母有疾药弗愈日夜稽顙北辰复刲股和羹以  
进病霍然起亲歿治丧不用浮屠曾与乡饮介宾年七

十以疾终

李用年十五补博士弟子员成化丙午举於乡越三载丁母忧哀毁踰礼庐墓三年宏治壬戌知陕西醴泉县事寻陞庆阳府通判致仕卒年七十有三

王升字贸易京师北都陷自缢死见闻喜翟凤翥王义民附传

杨世英字孟绍名诸生也曾尽推先世产业於其仲秀博母氏欢退而食贫甘之如荠郡守重其高义赠百金却不受才气磊落为学使袁继咸所器癸酉同学王采赵

嗣美计偕北上送以诗曰谬得与君三屈指公然先我两伸眉兀傲自若殊不屑屑然或讽以顺时荣誉曰大丈夫宁为金块毋为瓦合其标致如此

国朝卫正心字翼中任侠好义重然诺所与游多贤豪长者国初授陕西中军守备未几归筑室太行山之大箕村引泉凿石以为园不复仕进设义塾及文华书院入腴田给生徒膏火建置砦堡桥梁平治道塗祠宇在祀典者剏而新之每岁暮设廩糴以济贫困乡里感德於其歿为立祠以祀孙枢次楷以厚德世守其家

宋英字木若举人任榆次教谕修学校士有声坛坵乡居  
时叛兵任国奇来攻本镇清宁堡英率弟华协力捍御  
殄渠魁围遂解全活者男女计二千馀人里人感之  
张恕正京子举人任曲沃教谕有才名父歿长号呕血筑  
室墓次日震亭庐每上食如生时哀感道路自作记并  
十慕詠见志学使临郡诸生上其事得嘉奖当日试题  
有徐庶何如人论盖为恕正也

宋盛宋兴德两人从兄弟也辛未蝗蝻灾各蠲千金市粟  
救赈民得不流亡以死寻复完治汤王泰山两庙工为

祷雨以救旱乾乡人咸义之

张应嵩康熙己酉举人性笃孝友恂恂父兄间跬步不忘  
賚志早歿

卫枢光禄典簿任江南和州知州居官以善政闻其治家  
更有法度仁而好施乡党多被其周恤

张烈康熙庚戌进士中书舍人清约有守施田以筑水口  
张廷布衣尚义其让弟产训子姪及焚券给粟诸行谊积  
久人尚能道之同时又有王济中者以冒贼刃捍病母  
为乡里所称

王璇字在只自振子诸生入贡以盐筴经营岁往来燕赵间慷慨周难亦如其父康熙辛未蝗为灾璇输钱数十万令捕瘞之岁饥佐賑人赖以生太行古称隘道商旅苦崎嶮宋运使陈尧佐劄奏修筑历数百年雨冲石断人畜往来率彳亍以行璇倾貲修筑成坦途百二十里郡守佟国珑为立碑以记子廷扬转载人物

苏荣生处士以友著治产与弟天泽共日用婚嫁纤微无私五十年如一日族伯母寡而无子生养死葬咸於二子是赖荣生精医所活甚众有所著病镜一书子廩生

挺起与其胞姪庠生贞起一遵家训亦不分财异居

卫楷字鲁林康熙己卯副榜性孝友居多多义行康熙辛丑山陝大饥流民徧野楷蠲金三千两佐賑恤由州解送平阳散给之雍正癸卯岁太稷米价腾湧民多乏食楷於河南采运穀麦发本地减价以平糶自四月至七月往返接济赖以全活者无算其他嫻睦任恤类多古风

陈廷继性至孝念诸兄弟俱服官中外力请家居日侍父光禄膝下先意承志务得欢心及父歿任国子监学录



以培育人材为已任一生谦谨公正乡间爱重康熙甲戌冬十二月请於朝崇祀乡贤

刘孝勗字子桓居河东村性孝友父卒於山东历城之漈口镇千里奔丧一人独任不以诿诸弟兄居丧尽礼哀毁骨立同怀五人析箸时以已得分产悉以让兄之遗孤常有人投以贖金者则弃诸河曰我咸受人欺不可以此金欺人也时以利济为怀宗党咸蒙其德举步必详视恐伤虫蚁非燕享不杀牲时称宽仁长者子世振承友孝遗绪族不能自存者悉赙恤之立宗祠置祭产

敦本务行山右州郡旱歉捐穀助賑居傍餘屋设义学延师淑里中儿孙滋善登雍正壬子贤书

王宏烈举人用宾孙父歿依母且二十年母忽思改适泣谏语甚痛知势不可挽触首伏地恸竟投繯园树死孔兴晋文明子父歿庐墓三年又有同邑张所蕴字冀山亦以庐墓称孝

焦逢原岁贡生屡举乡饮为人厚重谦和亲老家贫恒资馆穀以娱亲意事伯兄甚友爱兄歿视兄子如己子殫心鞠育期於有成晚岁曾元林立五世一堂年九十以

寿终又有张能敏以孝友称亦於雍正五年举乡饮正宾

常乃纲康熙甲午举人雍正丁未知湖南永兴县事阅四月以病归终身常持忍字为多人所敬爱四世同居恬静寡欲一时服其高义

张廷谏母早亡育於继母依依膝下不异所生先是父存日家故贫及父歿益困乏廷谏樵采山中或中田力作稍得微资竭蹶以供老母如是者五十年廷谏贸易四方家业饶裕事母愈恭谨遇二幼弟无私财时以孝友

称

李永祺性至孝父重华年老多疾永祺日夜在侧饮食汤药必亲尝食上则视寒煖之节如是者三十年

李永禧少时远服贾一钱尺帛不入私房兄弟四人同居共爨终身不分析公举乡饮僎宾寿八十四

秦彦为阴阳正术抚弟遗孤俾成立葬族中久淹之柩敦本乐善年登大耄亦编氓之好修者

李重华尝於道左拾得白金千两徧访原主还其金屡举乡饮僎宾寿百岁

王封沂字又正邑廩生性至孝友爱两弟终身无间言与人交久而益笃邑孝廉魏大素张怡茗与同文会三十年始终如一每试辄冠军未几贡而卒后其子熙载登第大素语怡茗曰此又正孝友之报也其为友朋推重如此

孔兴钧字协中康熙乙酉武举乡试第一为人坦直有才干任事无所私尝与修郡志使人广为采访助成其书王鏐字涵紫父廷扬官工部左侍郎别有传鏐雍正己酉科

钦赐举人丁内外艰服阙授刑部山东司员外郎寻以生母年老乞养终制补广西司擢湖广司郎中加光禄少卿銜任西曹晨起视事夜烛治讞词平反庶狱时称明允退事馀暇独居一室披览图史兼工绘事与戚友诗酒陶情未几以疾卒官大学士孙懿斋嘉淦志其墓鏐天性友爱与兄鏜同官京邸出入必偕居乡多善行境内岁歉出粟平价以糴邻村西峪被水为死者掩骼於生者煮粥给食亲友有逋负代偿至数千金其他助友恤邻好义乐施不可殫述盖王氏家世积善鏐能存

其遗风云

李华然性好义遇饥岁常煮粥施赈贫民藉以存活初本里武胜坊八甲每苦差徭里人往往逃匿华然代诸贫户完纳郡县主称曰义民

成允升庠生事父先意承志克尽子道父疾亲尝汤药父歿葬事甫毕哀毁成疾而卒里人哀之

秦自福字秀之乡居以孝闻遭父丧筑室墓旁庐墓三年前州守伦可大表其门曰白云之庐晚年流连山水时形於画亦潇洒有致年八十以寿终

原一诚字百源自曾祖以来六世同居父天祐早逝一诚生甫五月叔天相视同己子教之成人天相卒悲痛如丧父服斩衰三年报之越十馀年母亦亡一诚哀毁骨立葬后营土室居於墓朝夕泣拜上食如生时三年服除戚里劝以归不从家人均痛哭往省之乃约与俱归事闻於县知县陈诗表其门曰孺慕性成

杨兆熊字瑞男邑庠生生七月而孤嫡与生母共抚养之稍长即有至性与人语及其父辄泣涕不能食事两母备极色养两母先后歿哀毁骨立三年不御内终身素

服齋蔬絕讌會乡人称孝子德與亦以孝称

彭克已邑庠生父年老丧偶多病克已朝夕侍侧床褥衣履以及日用饮食皆亲为料理幼子年十一二亦能侍其祖祝哽噎委曲周至盖克已之孝有以喻之也初克已未生时母为父置一妾父曰吾弟尚乏妻我何可有二妻以为弟正室次年即生克已人谓其世多孝友云张爽字西伯捐守备职父歿事母以孝白首如一日母歿痛哭出血以哀毀卒前令沈荣昌匾其门曰孝踰菜子张钧幼有至性事亲以孝迨亲歿水浆不入口者三日丧

具悉遵文公家礼自小祥以及大祥不御内不闻乐不饮酒不茹荤盖发於诚心非有所强也前县沈荣昌表其闾曰纯孝全贞

刘豪家贫无妻以手艺为活事继母尽其孝日所得钱必备甘旨以奉而自或忍饥饿不令母知也母病卧床褥豪日夜侍汤药数月不懈母病渐愈后值母歿哀毀骨立每逢令节哭奠墓下数年如一日未几而卒

李庚长温湘藻李东旭范崇雅段鏢范维睿李王唐乡人皆以孝义称

隐逸

北魏陆旭性雅淡好易纬候之学撰五星要诀及两仪真图颇得其指要太和中徵拜中书博士稍迁散骑常侍知天下将乱遂隐於太行山屡徵不起卒后赠并汾恒肆四州刺史

唐赵令岳泽州人散骑常侍元方之子博极群书文学为一时冠雅志林泉德望茂著戒子孙曰五常不可失也时修史有以学术荐者避不就

元白处善泽州人性惊敏有学行嘉遯不仕世祖高其志

鳳臺縣志

卷之九

隐逸

二十

敕曰身都道义淡然无名利之心家富诗书乐矣有田园之趣赐号义安处士祀乡贤

赵宗元泽州乡贡工文词山居高蹈一时学者多称之号

沙城野隐

韩嗣宗号丹川隐士府志云行事不概见於其时亦避迹邱园者

明张席珍字云生先世自鉅野徙泽州父应礼以菽粟权子母岁大稔珍童时即窃焚其券弱冠游学官性恬淡不希华胙寡交游定省婚嫁外了不萦心服食日用率

俭朴有司博士之门足迹不至遭母丧哀毁病卒苗大中丞胙土以隐君子称之

王逊之明初逸人相传有诗云劳身苦苦逐浮名身与浮名孰重轻身劳名得犹为可无奈身劳名不成亦见高致

王隆孝友谨信安贫好学无意仕进长於劝善乡邑倾慕有王彦方之风年八十馀携册讽詠尝题希夷高卧图以自况其诗曰汴京龙虎风云会华岳壶芦日月长非是先生真爱睡达人羞看利名忙

鳳臺縣志

卷之九

隱逸

二一

国朝苏寰字生生博览群书喜吟诗囊蓄禁方医人多奇验会召不赴去而遁迹杜门高卧郡守王璋以母疾屈之不应强以往不冠不揖家人危之寰坦然不以为意璋愈加敬礼母病寻愈其疏傲多似此所著笈易出己意不规规先儒成说诗有达情佶屈难读究心六书订正韵法直图藏於家

侨徙

唐陈子昂字伯玉梓州射洪人文明初举进士擢右拾遗少未知书以富家子尚气决戈博自如他日入乡校感

悟痛自修飭初为感遇诗三十八章王适见之曰是必为海内文宗尝寓泽州登北城楼题诗其上载艺文

李华字遐叔赵郡人开元进士第天宝时为监察御史善属文萧颖士多推奖之华疑其诬辞乃为祭古战场文熏汗之如故物置於佛书之阁与颖士因阅佛书见其文华谓之曰当代秉笔者谁及於此颖士曰君稍精思便可及此华愕然后安禄山反授伪命被收贬官放废尝薄游泽州石佛阁题诗於壁即弥勒寺也诗载艺文崔信明青州益都人博闻强记下笔成章大业中令尧城

窦建德招之不屈去隐太行山贞观中应诏举终秦川令

荆浩沁水人自号涇谷子画史以荆关董巨称画家正宗涇谷为泽宝巖寺山浩尝流寓其地以作画或因自号云

宋宋敏求字次道赵州平棘人参政绶之子郡守选之从子也选为泽守敏求随之署泽人刘羲叟以唐弥勒寺篆刻弗能通晓攜楮本之京师因宋子京始尽识其义貽校本於选选命敏求以隶书作释文刻於郡廨史称



敏求进士及第家藏书三万卷略观即能成诵熟於历代典故士大夫有疑义必就而正之累仕至龙图学士金许古字道真河间人郡刺史安仁子安仁以明昌五年守郡古即以是年登词赋进士第至承安五年来游青莲寺题名石壁正其父节度汾阳时也同时张天祐君玉吴寿夫芝僧宝寂皆其父安仁旧与游者书法绝佳史称其好为诗与字而不为士大夫所重但称其直云吴鼎字英菽洛阳人尝於天庆观访潜叟乔道人可度留题七言古诗於寒碧轩其门人侯即跋其后云陈莹中

鳳臺縣志

卷之九

侨徙

一三三

有言爱其人敬其字是以东坡美之先生歿已十五年潜叟出此诗览之句法豪爽笔力苍遒灑然有古人风恐他年散落命工摹勒上石以示爱敬之意焉

乔辰初名逢辰字仲章或作君章洪洞人天德三年进士自号莲峰真逸大定戊戌由山阳归天党游青莲精舍约晋城安霖巖起张瑾孔璋攜秋泉如林下约雅集释道宴寂日照行轩题名石壁期而不至者则孙明远昶也

赵秉文字周臣一字闲闲磁州滏阳人幼颖悟读书若夙

习登大定时进士明昌间入为应奉翰林文字兼知制  
诰坐上书攀王庭筠等久废河北兵乱常侨寄泽州之  
絳谷宝巖即净影寺也尝游开元寺诗贞祐初再转翰  
林兼学士密国公完颜寿诗有闻赵闲闲再起为翰林  
律句云宝巖絳谷西窗梦不信秋来不上心按絳谷宝  
巖净影寺名也秉文尝流寓兹土於此诗见之

元好问字裕之太原秀容人好问七岁能诗年十有四随  
叔父陵川令泰於官从郝晋卿学尝侨居泽州絳谷僧  
舍不事举业淹贯经传百家六年而业成下太行渡大

鳳臺縣志

卷之九

侨徙

二四

河为箕山琴台诗礼部赵秉文见之以为近代无此作  
也历官尚书省左司员外即金亡不仕以著述终

元张衍河东人官中书行省至正末天下大乱去官归侨  
寓於泽尝作文昌行祠书文俱佳元亡不知所终

和希文太原人吕忠肃之高弟也元末不就禄养母太行  
中饮水著书以为乐值兵荒相仍暴军掠人以充食所  
向殆尽希文保障获完弟孤女十有六人艰难中咸抱  
保携持卒归士族明初徐魏公达荐擢赞善行以母老

辞归

明董其昌字元宰华亭人万历十七年进士善书画自成一家由翰林官湖广学政谢事归与州人张方伯光缙为同年友尝北游太行累年主其家熹宗初起为侍读学士修神宗实录命往南方采辑先朝章疏遗事迂道过泽寓居月馀乃去所作书画甚夥收藏家得其片语隻字奉为拱璧尝有人集其在泽启札数十装为手页余曾一见之皆其昌真迹云

吴开先歙人勇略知兵机善战崇正五年流寇躡山西监司王肇生便宜署开先为将使击贼战泽州城西贼败

鳳臺縣志

卷之九

僑徙

二五

去从沁水转掠阳城开先恃勇渡沁战北留墩下击斩数百人炮尽无援一军尽没事闻赠游击将军

国朝姚恭海丰进士顺治初仕冀南道会姜瓖叛其将张斗光陷泽迫恭降不从死之子孙遂家於此 按明史辽阳松山之破被执死者有兵备道姚恭名或系另为一人不可考

梁保素自号保素山人冀州人流寓高都五十年能鼓琴围碁为一时国手善清谈娓娓动听年八十馀殊矍铄无室无子四壁萧然而徜徉春容黄冠羽衣有太虚真

人之致一日游析城不还张别驾肇昌以诗悼之

蒋坚字磨之江西铅山人候补州同以名法佐郡守佟国  
珑幕十年始终其任会民多逋欠逮国珑下狱坚单骑  
驰至泽伴国珑狱中数月泽士大夫皆愿输刀布脱国  
珑於难后州牧刘毓岳扼之一日讼庭杖一囚忽大呼  
曰吾事如在蒋公时冤雪久矣毓岳问案吏具以对乃  
躬诣狱中延坚出欲宾之坚曰我为佟公来不知有公  
刘曰主我必脱佟公坚曰脱佟公无不可刘下令曰能  
为佟公输金者听三日集五千金国珑归而坚佐毓岳

又三年刘以忧去方欲归郡人王少司农高其义延为  
上宾历佐其子弟幕坚在泽时生子士铨十馀岁归里  
今官翰林院编修

古葵陕西华州人雍正间以形家言游泽实未见其为人  
相地善行草书法酒后辄笔墨淋漓流传人世蠡县李  
刚主恕谷后集中称其绍李二曲先生之学云

郝敬堂字雄峰长治武举有伟略能为诗与字兼善輿家  
言薄游高都为诸大姓卜墓田延请无虚日邻村会饮  
抵暮醉而归见道旁遗金数百仆其上至三更馀待失

者至与之亦不告以姓氏□得狂疾越三年而愈遂通  
鸟兽语后复来游馆於尹孝廉家尝指鸟兽声译为人  
言皆不之信一日犬自外吠入苗孝廉令琮窃问之郝  
曰尹中表某乘黑骡单骑至门者乏款候人犬吠盖此  
言也验之果然乃知公治长之通鸟语隆多罗之识豕  
言不足怪也高平司明经昌龄重其人为作传

以上侨寓

明孟兆祥字肖形泽州人徙交河天启壬戌进士官大理  
评事历吏曹至刑部右侍郎以劾魏忠贤削籍崇正初  
起太常寺卿晋刑部右侍郎闯贼犯都城啣命守正阳

鳳臺縣志

卷之九

侨徙

二七

门贼至冒白刃死门下妻何氏闻之立死子章明字伯  
昭癸未进士甫观政难作殮父骸讫亟归诀其妻王氏  
曰吾往从大人不忍大人独死也王曰尔死吾亦死章  
明俯首至地曰谢夫人死夫人盍先死尽挥僮奴出留  
一婢侍视王投缯提笔作诗已复淋漓书壁有伤吾夫  
妇尸者必为厉鬼杀之王绝置扉上加命服又举一扉  
列王左呼婢曰吾死置其上遂衣命服缢而死南渡赠

恤

本朝褒忠与范吴桥等同予祠给地锡缢兆祥忠靖章明

贞孝

茹夔茹言云南籍其先泽州人七世祖太素编置子孙於  
滇遂家焉夔言兄弟同登嘉靖壬午科举人言子嘉癸  
卯乡举官工部郎中

国朝卫燥字文漪泽州人徙沧州祖正身字肖菴 国初  
大臣安抚至沧率众归附康熙初兵备周卜世南征吴  
逆於归德军次助饷数千金卒赠光禄大夫父其杰字  
卓万轻财好义康熙己巳岁大侵捐万金为賑济计邻  
邑咸集为设米粥绵衣以待巡抚于成龙闻於

朝授光禄大夫事载天津府志燥少有誉望以乡贡充满  
州教习授富顺令邑自献贼蹂躪户口萧条燥招集流  
亡使归业城郭廨宇以及桥梁道路出私财修葺之不  
以累民兵乱后人不知学为建书院训课生徒士风丕  
变俗故健讼以诚相格民渐化擢台州同知会

朝廷命穆旦金世荣会勦玉环山寇玉环孤峙海中卒难  
率服燥身入其巢招而降之上官嘉其能委以疑难诸  
案立为剖决嘉兴等三邑旧有田相错壤争讼无宁岁  
燥三分之争讼永息吏治为两浙最擢延建邵道卒

卫璠字免鲁燥之弟甫冠成进士授华亭令华为江左财赋剧邑积顽成习璠至催抚并行民乐输将风俗丕振擢刑部主事奉

旨纂修律例书成陞礼部郎中转陕西神木道神木五里外即属外境边民耕种樵牧相错杂馭之稍不善辄易生衅璠开诚布公宣示

朝廷德意人民安堵

诰授光禄大夫卒於官工诗文所著有老庄旁注经义集要等书事载天津府志

鳳臺縣志

卷之九

侨徙

二九

卫瑛字修五燥季弟由拔贡授都察院经历擢刑部员外郎转临洮道以仁恕为治建义学以造诸生其贫者记其姓氏居址阴资给之凡二百餘人事载天津府志有传

王玺字瑞图泽州人流寓江南有肝膽识力以豪侠称旧佐李孝源南贛幕府鼎革后侨寓芜湖入

国朝苗胙土起为南贛巡抚安阳张镜心荐之军前称其熟知江右情形缓急机会可得虔中消息大足倚仗会胙士卒不知其所终 以上迁徙

方技

宋吕道人失其名善为沉泥砚多作投壶样其首有吕字非刻非画坚致可以试金道人死砚渐难得苏东坡於元丰五年至沙湖黄氏家见一枚黄氏不知贵取而有之

萧照颇知书亦善画流入太行山为盗一日掠至李唐捡其行囊不过粉奩画笔而已叩知其姓名照雅闻唐名即辞贼随唐南渡得人亲灸唐感其生全之恩尽以所能授之绍兴中补迪功郎画院待诏赐金带其画山水

鳳臺縣志

卷之九

方技

三十

人物异松怪石苍浪古野惜用墨太多书名於竹石间  
见图绘宝鑑

金姚拟字士言乡贡进士明悟有巧思工画山水尝从刺史许安仁书碧落寺碑是日隆冬风寒山堂壁间有烟尘迹自成山水图非人工所及拟燃薪炙手走笔仿之顷刻而成迥出画家畦町之外时以为神品云

张天祐字君玉明昌中词赋进士工吟咏尤长於音律丝竹管絃之技各擅其长尝从郡守许安仁游峡石青莲寺涉丹水南回顾殿阁在青巉间天祐鼓琴僧洪源和



之曲尽音节之妙听者如闻高山流水悠然有世外想  
元姚升字子昂金末乡贡与李庄靖俊民为友工诗善画  
马世传画马图而款书子昂二字者皆升笔非赵松雪  
也俊民尝谓其似曹将军篆隶亦推重一时俊民碑版  
多其丹书云

郭显道以医名一时李鹤鸣两以诗赠之

明程应宠太医院吏目少聪颖善岐黄术切脉决生死辄  
中有奇疾莫名其症者一药立起生平以活人为心病  
者贫富弗之问即窳丐亦代为疗治有手录医案等书

鳳臺縣志

卷之九

方技

三一

国朝赵嗣美字伯瞻顺治丙戌进士历官福建僉事有文  
名工画山水随笔挥洒皆胸中邱壑有自然之趣见图  
绘实鑑

卫永耀字径千性慧巧善音律工书画凡医卜占候形家  
言以及击剑拳勇篆印雕镂刺绣女工食谱酒经无不  
通晓诗亦有佳句著石坪印谱得树楼诗稿

袁尔梅坦率无文尝於道旁拾遗金追还其主人重其义  
生平精六壬术占验多奇中其卖卜日以三课为度备  
一日所用不复为人卜虽强之弗告也某绅为县令所

诬被逮赴省会祸且不测尔梅为成一兆曰天赦星照命宫不出十里罪可解行至七岭店遇赦获免时以为天罡复生然性过贲直好与人争讼论者亦以是少之

释老

汉稷邱君太行山下道士武帝时以道术受赏髮白再黑齿落更出帝东巡泰山君迺冠章甫衣黄衣拥琴迎拜道左止帝勿上上必伤足指及数里右足指果折帝讳之故但为稷邱君立祠

吕恭字文敬少好服食将一奴一婢於太行山中采药忽

见三人在谷中问恭曰子好长生乎乃勤苦艰险如是耶恭曰实好长生而不遇良方故采服此药冀有微益耳一人曰我姓吕字文起次一人曰我姓孙字文阳次一人曰我姓王字文上皆太清太和府仙人也若能随我采药语公不死之方恭即拜曰得遇仙人若见采收是更生之幸也即随仙人去二日乃授恭秘方一首因遣恭去曰公来二日人间已二百年矣归家但有数世孙吕习作道士推求而得耳因以神方授习而去习已八十服之即还少壮至二百岁乃入山中子孙不复老

死

晋王烈入太行山闻雷声山石忽破裂数百丈中一孔有石髓流出似青泥烈取食如饴馀半以与稽康皆凝而为石又於石洞中见一卷素书视之不识也默识数字以语康康知之偕往辄不复见烈乃叹曰叔夜趣非常而辄不遇命也烈后仙去

北齐昙始不知何许人神武起义奏请藏阴寺讲涅槃经感野雉来听藏神遗绢獼猴奉菓山神献殮之异衣钵传惠远

鳳臺縣志

卷之九

释老

三三

隋慧远泽之霍秀里李氏子甫生时昙始感梦至其家抚摩之心心相印至六岁度为弟子戒律精严契合真诠建寺於藏阴西注涅槃经成掷笔云若疏合禅理笔当驻空入隋文帝召至京参校经义卒於京邸文帝深悼惜之按府志以远公分系齐周三朝又复辨为晋之慧远纷纷岐说今从唐大中宝历太和三牌记详加辨正知其另为一人且相去四百馀年又太和碑慧一作惠其折服周武帝一事与周书北史不合别见集古录唐慧观头陀隋大业中自终南山来身止一衲日惟一食

髮长不剪晦迹丛林过双峰下见山崦幽寂古木泉□  
乃驻锡而叹曰此古佛栖隐之所也因诛茅划秽获□  
础知为古灵巖旧基遂筑室以居广行济度四方缙素  
云集李卫公靖提兵过太行躬诣礼谒深嘉叹之  
普满不知何许人太历中游泽潞状若颠不拘戒行言事  
无不验尝题潞州僧舍云泚水连涇水双珠血满川青  
牛将赤虎还见太平年人初莫喻及朱泚乱人以意解  
乃泚因涇州兵乱兄弟造逆乙丑丙寅寇平之兆也

慧峰汝州襄城人俗姓贺兰氏法名慧峰出家峡石山之

藏阴寺传惠远宗法苦志静修戒律森严著语录契合  
佛旨於中和乙卯端坐而化乾宁间建塔有记

惠愔俗姓李唐之宗室弃家为浮屠遍游名山太和初自  
并汾来少习庄易晚学天台见远公遗迹喟然兴叹遂  
辟草建宇以象假中通之教开剔聒聒与司徒太常映  
为方外交结法华社数十人苾芻之流多依为禅宗云  
李汉王师姑黎城人幼贞静慕清虚出家为尼云游南北  
晚於晋城砂城里爱其山水明秀诛茅创殿宇秉拂住  
持三十餘载示寂得舍利七粒徒众为建浮图

后周普龙广顺初自五台山来弥勒石阁爱其泉石作终焉之计殿宇日拓度脱缙素多为高僧后化去建塔寺侧迨宋治平间赐额碧落

芊上人修真宝巖寺端居石室猛虎自伏后坐化遗骨甚香其徒建塔崇奉寺在太行山巅俗称金灯寺是也

宋奉教庆历时卓锡松岭寺缮修堂宇四十间讲大乘百王上生等经度僧俗千馀人斋僧二十万置四大部经作兜率观朝夕行之神语空中曰师兜率观成当捨幻质往生天宫乃於千峰山盘亭寺侧誓焚肉身裹以布

鳳臺縣志

卷之九

释老

三五

蜡纵火焚之但见白气冲天异香馥郁烟销烬馀惟舌不坏若红莲叶徒众建塔藏之

三宝幼有宿根大中祥符时出家宝山寺度僧俗千人大会四方讲法华经妙解真谛至天圣四年七月两手成文面色如金端坐圆寂异香经宿不散建塔立石记其事

慧觉俗姓金晋城人住持开元寺净修有戒律聚名僧数十人为说法杂衢巷俚语旨有禅机建隆元年安座而化事具石龕记

金二张仙一名崇真泽州人一名道温京兆人同居州□  
上町社修真观寻偕游海岛遇刘长生密传法印复归  
结茆於此相继坐蜕瘞同穴后数十年人犹有见者  
宝寂出家青莲寺能文工诗与僧洪源同以善琴名为郡  
守许安仁所知每称其释通儒理一瓶一钵独有这箇  
在也尝为僧惠潮作塔铭文字古洁洪源亦高僧俗姓  
陈谈经冠一时修成化去

惠詮崞阳人出家五台住锡琵琶寺造殿阁二十所度僧  
众千餘人写真经六百七十九万字大定时示寂众为

建立塔幢

元唐纯素住曲河观与张崇古皆清苦自持后先受二张  
仙法印年各七十餘坐蜕刻刘长生白莲花诗並王纯  
阳等为五逸像於石

杜志元号通微子遭金末兵乱感梦出家为道士诣天坛  
受法於王纯阳邱长生等妙入真悟元太宗二年归里  
捨宅为观李庄靖俊民记其事后来不知所终

明法亮姓崔氏泽州人出家灵巖寺刻修戒行尝行脚至  
鍾山造藏经归禁足三年昼夜检诵不辍作石塔藏之

巖间书生上党记太行山有箐射熊者见诸生读书巖□  
及往覓则失其处人以为神仙

国朝月空俗姓黄湖广人少出家参禅义受戒於京都愍  
忠寺礼大慧法师通涅槃大旨所至辄兴土木造瞿昙  
诸像接引僧徒万馀人多与贤士大夫游尝休夏太行  
山值大旱祷雨徧然肢体一昼夜不饮食已而大雨霑  
足募修西郭长堤捍水患造岗头梵刹庄丽成巨观一  
日於普济殿率缙白数百人设清醮忽观音像从殿中  
腾出众皆辍诵竞观俄而殿崩无一被伤者平日着布

衲持佛顶陀罗尼经远近病者倾诚拜祷或书神咒或  
与破缕焚灰饮之立瘥后卓锡涿州至康熙四年自知  
时当圆寂薙髮浴体索笔大书曰今日百十五年灵光  
自来无染铁牛跃过星罗撞破空中磨盘偈毕端然而  
逝涿州为建浮图郡西亦为立塔院阳城白孕谦记其  
事载艺文

